



ZAPISNIK O RADU 32. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 02.12.2022. GODINE

Broj: 01-GV-02-1845/22
Sarajevo, 02.12.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Amra Zulfikarpašić, predsjedavajuća Kluba gradskih vijećnica „Enisa Spahić-Amra Zulfikarpašić“
9. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
10. Bajro Biber, predsjedavajući Kluba gradskih vijećnika „USD-BOSS“
11. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“

Odsutani: Dragan Stevanović, zamjenik predsjedavajućeg Gradskog vijeća (najavljeno odsustvo) i Mila Eminović (najavljeno odsustvo)

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali: Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 15.05 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 31. sjednice Kolegija Gradskog vijeća, održane 18.11.2022. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 32. sjednice Kolegija Gradskog vijeća, tako da glasi:

1. Utvrđivanje i usvajanje Izvještaja o provedenoj javnoj raspravi na Prijedlog Programa rada Gradskog vijeća Grada Sarajeva za 2023. godinu
2. Priprema za održavanje 22. sjednice Gradskog vijeća Grada Sarajeva
3. Tekuća pitanja



Ad1)

Utvrđivanje i usvajanje Izvještaja o provedenoj javnoj raspravi na Prijedlog Programa rada Gradskog vijeća Grada Sarajeva za 2023. godinu

U uvodnim napomenama, **Jasmin Ademović, predsjedavajući Gradskog vijeća** je podsjetio članove Kolegija da je Gradsko vijeće, na oktobarskoj sjednici, razmatralo Nacrt Programa rada Gradskog vijeća za 2023. godinu i uputilo ga u javnu raspravu, da su, u toku javne rasprave, svoja mišljenja na Nacrt Programa uputila određena radna tijela Gradskog vijeća, JP „Olimpijski bazen Otoka“ d.o.o. Sarajevo i Gradonačelnica te da su mišljenja dostupna uz poziv za sjednicu Kolegija.

Također je podsjetio da je uz poziv za sjednicu Kolegija dostavljen Izvještaj o provedenoj javnoj raspravi na Nacrt Programa rada Gradskog vijeća za 2023. godinu u formi radnog materijala te da je u očitovanju predlagača naznačeno da se prijedlozi prihvataju ali da ima i određenih prijedloga o kojima je potrebno da se Kolegij izjasni.

Članovi Kolegija Gradskog vijeća su se **saglasili** da se u Prijedlog Programa rada Gradskog vijeća Grada Sarajeva za 2023. godinu uvrste dvije teme koje je predložio Odbor za društvene djelatnosti, i to:

- **INFORMACIJA O STANJU MOSTOVA U GRADU U SARAJEVU**
- **INFORMACIJA O STANJU JAVNIH GROBALJA U GRADU SARAJEVU**

Članovi Kolegija Gradskog vijeća se **nisu saglasili** sa prijedlogom Gradonačelnice da se iz Programa rada Gradskog vijeća za 2023. godinu u Oblasti V. Javne službe i infrastruktura, tačka 7. ODLUKA O KORIŠTENJU I ODRŽAVANJU UREĐENIH VODOTOKA NA PODRUČJU GRADA SARAJEVA; Nacrt **briše, obzirom da na 22. sjednici Gradskog vijeća, koja će se održati u mjesecu decembru, nije planirano razmatranje Nacrta navedene odluke.**

Članovi Kolegija Gradskog vijeća se **nisu saglasili** sa prijedlogom Gradonačelnice da se iz Programa rada Gradskog vijeća za 2023. godinu u Oblasti V. Javne službe i infrastruktura, tačka 7. ODLUKA O KORIŠTENJU I ODRŽAVANJU UREĐENIH VODOTOKA NA PODRUČJU GRADA SARAJEVA; Prijedlog **briše.**

Članovi Kolegija Gradskog vijeća su se **saglasili** sa prijedlogom Gradonačelnice da se iz Programa rada Gradskog vijeća za 2023. godinu u Oblasti VIII. Osnovno i srednje obrazovanje, tačka 2. ODLUKA O IZMJENAMA I DOPUNAMA ODLUKE O STIPENDIRANJU UČENIKA SREDNJIH ŠKOLA IZ BUDŽETA GRADA SARAJEVA **briše obzirom da je na 22. sjednici Gradskog vijeća, koja će se održati u mjesecu decembru planirano razmatranje** Prijedloga Odluke o izmjenama Odluke o stipendiranju učenika srednjih škola iz Budžeta Grada Sarajeva.

Članovi Kolegija Gradskog vijeća su se **saglasili** sa prijedlogom Gradonačelnice da se iz Programa rada Gradskog vijeća za 2023. godinu u Oblasti XI. Lokalni turizam, tačka 2. INFORMACIJA O REALIZACIJI AKTIVNOSTI GRADONEČLNICICE NA REALIZACIJI SARADNJE TURISTIČKIH ZAJEDNICA NA PODRUČJU GRADA SARAJEVA SA TURISTIČKIM ZAJEDNICAMA GRADOVA U BIH I U DRŽAVAMA U OKRUŽENJU S KOJIMA GRAD SARAJEVO IMA SPORAZUM O SARADNJI **briše.**

Članovi Kolegija Gradskog vijeća su se **saglasili** sa prijedlogom Gradonačelnice da se iz Programa rada Gradskog vijeća za 2023. godinu u Oblasti XI. Lokalni turizam, tačka 3. PROGRAM RAZVOJA VJERSKOG TURIZMA U GRADU SARAJEVU **briše.**

Članovi Kolegija Gradskog vijeća su se **saglasili** sa prijedlogom Gradonačelnice da se iz Programa rada Gradskog vijeća za 2023. godinu u Oblasti XVII. Druga pitanja od interesa za

građane grada Sarajeva, tačka 9. INFORMACIJA O REALIZACIJI PROJEKTA REVITALIZACIJE BOB STAZE TREBEVIĆ briše.

Članovi Kolegija Gradskog vijeća su se saglasili sa prijedlogom Gradonačelnice da se iz Programa rada Gradskog vijeća za 2023. godinu u Oblasti XVII. Druga pitanja od interesa za građane grada Sarajeva, tačka 21. INFORMACIJA O SOCIJALNOJ KARTI PORODICE U GRADU SARAJEVO briše.

Zatim je **Jasmin Ademović, predsjedavajućeg Gradskog vijeća** pozvao članove Kolegija da se izjasne o zaključcima.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, jednoglasno, je usvojio sljedeći zaključak:

Zadužuje se Stručna služba za poslove Gradskog vijeća da izradi tekst Prijedloga Programa rada Gradskog vijeća Grada Sarajeva za 2023. godinu sa Izvještajem o provedenoj javnoj raspravi o Nacrtu Programa rada Gradskog vijeća Grada Sarajeva za 2023. godinu, u skladu sa opredjeljenjima Kolegija Gradskog vijeća sa danas održane sjednice, a koji će se uputiti Gradskom vijeću Grada Sarajeva na razmatranje uz akt Kolegija, kojim Kolegij utvrđuje Prijedlog Programa rada Gradskog vijeća Grada Sarajeva za 2023. godinu.

Na prijedlog **Jasmina Ademovića, predsjedavajućeg Gradskog vijeća** Kolegij Gradskog vijeća, jednoglasno, je usvojio sljedeći zaključak:

Utvrđuje se Prijedlog Programa rada Gradskog vijeća Grada Sarajeva za 2023. godinu sa Izvještajem o provedenoj javnoj raspravi o Nacrtu Programa rada Gradskog vijeća Grada Sarajeva za 2023. godinu i upućuje se Gradskom vijeću Grada Sarajeva na razmatranje (utvrđeni Prijedlog Programa je u prilogu ovog zaključka).

Ad2)

Priprema za održavanje 22. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

U raspravi o terminu održavanja sjednice Gradskog vijeća učestvovao je gradski vijećnik Toni Vukadin.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, jednoglasno je usvojio sljedeći zaključak:

- 22. sjednica Gradskog vijeća će se održati u **srijedu 28.12.2022. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **srijedu 07.12.2022. godine do 12.00 sati**;
- Sjednice radnih tijela, u pripremi 22. sjednice Gradskog vijeća, će se održavati **od ponedjeljka 12.12.2022. godine do četvrtka 15.12.2022. godine**;
- Pozivi gradskim vijećnicima za 22. sjednicu Gradskog vijeća će se uputiti u **srijedu 21.12.2022. godine**.

Članica Kolegija Amra Zulfikarpašić je pristupila sjednici Kolegija u 15.22 sati.

O terminu održavanja sjednice Gradskog vijeća u raspravi je učestvovala i članica Kolegija Amra Zulfikarpašić.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Programa rada Gradskog vijeća Grada Sarajeva za 2023. godinu, čiji je predlagač Kolegij Gradskog vijeća, **je spreman** i očekuje se da će biti uvršten u prijedlog dnevnog reda 22. sjednice Gradskog vijeća.

Izvještaj o stanju u državnoj službi u Gradu Sarajevu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 22. sjednice Gradskog vijeća.

Informacija o procesu donošenja urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 2015.-2035. godina i obaveznoj primjeni mjera zaštite ventilacionih koridora, prema informaciji Gradonačelnice, **nije spremana** i neće biti uvrštena u prijedlog dnevnog reda 22. sjednice Gradskog vijeća.

Aida Bajramović, rukovodilac Stručne službe za poslove kabineta i poslove Gradske uprave je obrazložila da je, prema informacijama kojima raspolaže Gradska služba za investicije, stambene i komunalne poslove izrada Urbanističkog plana još uvijek u fazi prednacrti koji treba da utvrdi Vlada Kantona Sarajevo.

Informacija o stanju sigurnosti saobraćaja u Kantonu Sarajevo prema informaciji Gradonačelnice, **nije spreman** i neće biti uvršten u prijedlog dnevnog reda 22. sjednice Gradskog vijeća.

Aida Bajramović, rukovodilac Stručne službe za poslove kabineta i poslove Gradske uprave je obrazložila da je Informacija razmatrana na 18. sjednici Gradskog vijeća, da nema novih informacija, te da nema potrebe da se ista razmatra, ponovo, u decembru.

Prijedlog Odluke o izmjenama i dopunama Odluke o korištenju, održavanju i čuvanju uređenih korita i obala vodotoka na području Grada Sarajeva ili Prijedlog Odluke o korištenju i održavanju uređenih vodotoka na području Grada Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 22. sjednice Gradskog vijeća.

Aida Bajramović, rukovodilac Stručne službe za poslove kabineta i poslove Gradske uprave je obrazložila da je oblast vodotoka izuzetno kompleksna, da se preklapaju nadležnosti više institucija i nivoa vlasti, te je potrebno sačekati dok se steknu određeni preduslovi za donošenje kvalitetnog materijala.

Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2023. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 22. sjednice Gradskog vijeća.

Izvještaj o korištenju sredstava tekuće rezerve, prema informaciji Gradonačelnice, **nije spreman** i neće biti uvršten u prijedlog dnevnog reda 22. sjednice Gradskog vijeća.

Aida Bajramović, rukovodilac Stručne službe za poslove kabineta i poslove Gradske uprave je obrazložila da utrošak sredstava traje sve do 31.12.2022. godine, te će izvještaj biti predložen za januarsku sjednicu. Također je, u međuvremenu, urađen Prijedlog izmjena i dopuna Budžeta Grada Sarajeva za 2022. godinu gdje su sve odluke o izdvajanju iz tekuće rezerve postale sastavni dio budžeta.

Prijedlog Budžeta Grada Sarajeva za 2023. godinu, prema informaciji Gradonačelnice, **će biti spreman** i očekuje se da će biti uvršten u prijedlog dnevnog reda 22. sjednice Gradskog vijeća.

Prijedlog Odluke o izvršavanju Budžeta Grada Sarajeva za 2023. godinu, prema informaciji Gradonačelnice, **će biti spreman** i očekuje se da će biti uvršten u prijedlog dnevnog reda 22. sjednice Gradskog vijeća.

Prijedlog Odluke o davanju saglasnosti na Programa obilježavanja 6. aprila Dana Grada Sarajeva u 2023. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 22. sjednice Gradskog vijeća.

Prijedlog Programa međunarodne saradnje Grada Sarajeva za 2023. godinu, čiji je predlagač Komisija za međunarodnu saradnju Gradskog vijeća, **je spreman** i očekuje se da će biti uvršten u prijedlog dnevnog reda 22. sjednice Gradskog vijeća.

Informacija o privrednoj saradnji Grada Sarajeva sa pobratimskim i partnerskim gradovima, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 22. sjednice Gradskog vijeća.

Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 22. sjednice Gradskog vijeća.

Informacija o projektima finansiranim iz međunarodnih i lokalnih fondova prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 22. sjednice Gradskog vijeća.

Informacija o implementaciji Plana djelovanja za mlade, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 22. sjednice Gradskog vijeća.

c. Teme koje su planirane Programom rada Gradskog vijeća Grada Sarajeva za 2022. godinu, a nisu realizovane

Prijedlog Statuta Grada Sarajeva

Jasmin Ademović, predsjedavajući Gradskog vijeća je podsjetio članove Kolegija da je Komisija za Statut i akte, kao ovlašteni predlagač, predložila da se odloži rasprava o Prijedlogu Statuta Grada Sarajeva obzirom da su podneseni amandmani na Prijedlog Statuta Grada Sarajeva 24.11.2022. godine te se u skladu sa Poslovnikom Gradskog vijeća Grada Sarajeva amandmani ne mogu razmatrati na sjednici Gradskog vijeća prije isteka roka od 14 dana.

Članovi Kolegija Gradskog vijeća su se **saglasili** da se Prijedlog Statuta Grada Sarajeva razmatra na januarskoj sjednici Gradskog vijeća, obzirom da postoji mogućnost da određeni broj gradskih vijećnika ne bude prisutan na 22. sjednici Gradskog vijeća.

Prijedlog Etičkog kodeksa izabranih i imenovanih funkcionera Grada Sarajeva

Jasmin Ademović, predsjedavajući Gradskog vijeća je upoznao članove Kolegija da je, prema informacijama kojima raspolaže, Prijedlog Etičkog kodeksa izabranih i imenovanih funkcionera Grada Sarajeva, čiji je predlagač Etičko vijeće, **spreman** te se očekuje da će isti biti uvršten u prijedlog dnevnog reda 22. sjednice Gradskog vijeća Grada Sarajeva.

Prijedlog Odluke o izmjeni Odluke o podizanju spomenika bosanskom kralju Tvrtku I Kotromaniću, prema informaciji Gradonačelnice, **nije spreman** i neće biti uvršten u prijedlog dnevnog reda 22. sjednice Gradskog vijeća.

